

善本方志輯·第一編

中國地方志集成

乾隆淮安府志(二)
萬曆徐州志

中國地方志集成

善本方志輯·第一編 ⑤1

乾隆淮安府志(二)

萬曆徐州志

鳳凰出版社●上海書店●巴蜀書社

圖書在版編目（C I P）數據

中國地方志集成·善本方志輯·第一編 / 鳳凰出版社
編. — 南京：鳳凰出版社，2014.5
ISBN 978-7-5506-1218-1

I. ①中… II. ①鳳… III. ①中國—地方志 IV.
①K29

中國版本圖書館CIP數據核字(2014)第101386號

中國地方志集成·善本方志輯·第一編

著 作 者	本 社 編選
責 任 編 輯	王愛榮 吳 瓊
封 面 設 計	范一辛 姜 嵩
出 版 發 行	鳳凰出版傳媒股份有限公司 鳳凰出版社(原江蘇古籍出版社) 發行部電話025-83223462
出版社地址	南京市中央路165號,郵編:210009
出版社網址	http://www.fhcbs.com
經 銷	鳳凰出版傳媒股份有限公司
印 刷	金壇市古籍印刷廠有限公司 江蘇省金壇市晨風路186號,郵編:213200
開 本	787×1092毫米 1/16
印 張	3420.5
版 次	2014年5月第1版 2014年5月第1次印刷
標 準 書 號	ISBN 978-7-5506-1218-1
定 價	44500.00圓(全七十八冊)


(本書凡印裝錯誤可向承印廠調換,電話:0519-82338389)

乾隆淮安府志(二)

(清)

葉長揚
顧棟高等

纂修



目 錄

乾隆淮安府志（二）	〇〇一
萬曆徐州志	四九九

淮安府志守令敘

生民之命係乎長吏故爲守令難而爲淮安之守令尤難地瘠而斥鹵當轉運之衝距長淮大河有水之害而無水之利民生其間日以凋瘵近且災祲叠告矣

皇上如天好生頻勞旰食視瀕海數邑不啻二京三輔然則仰奉

德音將以寔心行寔政之本抑亦借前事爲後事之師歟

夫隄傳范氏塘號陳公行春而鹿隨禱雨而虎去若茲異等代不乏人其有釐舉興革鑒鑒見諸行

淮安府志

卷之十九 守令敘

一

事者並詳著於篇使後世有所考鏡焉志守令第十九

淮安府志卷之十九

守令

漢

祭彤字次孫遵從弟爲襄贛令時天下郡國未平襄贛多盜彤至誅破姦猾殄其支黨數年政清蠲書勉勵增秩一等

後漢書

鄭宏字巨君山陰人始爲鄒令有仁惠遷淮陰太守宏行春大旱隨車致雨白鹿方道挾轂而行宏怪問主簿黃國國拜賀曰聞三公車轡盡作鹿明府必爲宰相建初間爲大司農

謝承書

淮安府志

卷之十九 守令

一

孫堅字文臺吳郡富春人以平會稽賊詔除鹽漬丞數歲徙盱眙丞又徙下邳丞堅歷佐三縣所在有稱吏民親附鄉里知舊往來者常數百人堅接撫待養有若子弟焉

江表傳

三國

陳登淮浦人魏廣陵太守治射陽詳見人物

宋

申恬字公休魏郡魏人元嘉末索虜南寇遣恬援東陽虜退爲寧朔將軍山陽太守善於治民所在有績累進輔國將軍

宋書本傳

蕭僧珍蘭陵人元嘉時爲山陽太守魏主燕南寇瓜步僧珍悉歛其民入城蓄陂水令滿待其至決以灌之魏人還至山陽不敢留而去 宋書本傳

齊

蘇侃字休烈武邑人齊太祖鎮淮陰以侃詳密取爲冠軍參軍是時張永沈攸之叛後宋新失淮北始遣道成北戍不滿千人每歲邊淮騷動廣遣偵候安集荒餘又營繕城府侃更自勸勵委以府事深見知待歷官山陽太守清修有治理百姓懷之弟烈亦累官山陽太守寧朔將軍 齊書蘇侃傳

淮安府志

卷之十九

守令

二

周山圖義興人蕭道成鎮淮陰以爲寧朔將軍漣口戍主山圖過漣水築西城斷虜騎路并以溉田 齊書本傳

梁

張惠紹字德繼義陽人爲北兗州刺史魏宿豫淮陽二城內附惠紹撫納有功進號智武將軍 梁書本傳

北齊

徐遠字彥遐廣寧石門人少習吏事河清二年除東楚州刺史爲政寬和有恩惠其年邑郭大火民亡產業遠躬自赴救對之流涕皆得安立 北史本傳

北周

李徹字廣運朔方人宣帝卽位從韋孝寬畧定淮南卽授淮州刺史安集初附甚得其歡心 隋書本傳

隋

高勸字敬德渤海人幼以孝聞拜楚州刺史民安其政城北有伍子胥廟俗敬鬼祈禱者必以牛酒至破產業勸嘆曰子胥賢者豈宜損百姓乎乃告諭所部自此遂止 隋書本傳

唐

宋璟邢州人耿介有大節元宗在東宮太平公主謀逆璟奏出公主諸王於外貶楚州刺史爲政清殺簡肅

淮安府志

卷之十九

守令

三

不可干以私吏民遵約束惟謹無敢犯者雖得貶而賢聲益重 唐書本傳

李聽字正思洮州人西平王晟子憲宗討李師道以聽爲楚州刺史淮南兵弱鄆人素易之聽日勒部伍振勵軍士掩賊不虞遂取海州攻朐山降之懷仁漣水望風納款 見唐書李晟傳

薛珏字溫如河中寶鼎人以蔭爲令課第一遷楚州刺史初州有營田宰相遣領使而刺史得專達俸及它給百餘萬田官數百歲以優得遷別戶三千備刺史所役珏至悉除去之租入贏異觀察使惡其繁誣以

罪會德宗命使者分詣道察官吏而李承狀珪之簡
趙贊言其廉盧翰稱其肅書參聞於是拜中散大夫
賜金紫 唐書本傳

韋璠字茂和京兆萬年人進士及第累官中書舍人與

李德裕善李宗閔惡之會昌末出爲楚州刺史 詩史按璠

實政無傳惟山陽趙暇有贈璠詩云煦物三年春
色在感恩下室淚痕多味其詩意不親循良矣

王光謙淮陰令務清靜之化而去其煩苛推誠明之本
而教以廉慎生殖阜滋楚風丕變 一統志

南唐

張延翰字德華宋州睢陽人入吳爲鹽城令有治績遷

淮安府志

卷之十九

守令

四

楚州行軍司馬

南唐書

何敬洙廣陵人先事吳楚州刺史李簡入南唐有功拜

楚州團練使常微服遊里巷察民疾苦有科條輒先

爲經畫民不知勞坐廳事與賓客談議民有訴事者

立引入親自剖析曲直皆厭服而出 十國春秋

宋

蔣堂字希魯宜興人進士楚州團練推官歲滿引對真

宗覽所試判善之特授大理寺丞通判楚州遇事毅

然不屈大有政聲後爲淮南轉運使兼江淮發運事

薦孝子徐積乞改官又薦部吏二百人或曰一有謬

舉且得罪何以多爲堂曰十得二三亦足報國先是

發運使上計大舟數十載江湖物入遺京師權貴堂

曰吾豈爲此前後五年未嘗一至京師 宋史本傳

張傳字巖卿真宗時知楚州歲饑貽書發運使求貸糧

不報嘆曰民轉死溝壑矣報可待乎乃啓上供倉廩

賑貸所活以萬計拜章待罪詔獎之 舊志

張奎字仲野進士知楚州治身有法度風力精強吏不

敢欺 宋史本傳

李宣知楚州治官如家人以其決事明稱爲照天燭 南唐

志

淮安府志

卷之十九

守令

五

米芾字元章襄陽人知漣水軍又以太常博士移守山

陽博雅好古工詩文兼善書畫在山陽用文雅爲治

尚禮致祿滿祠任滿之日歸橐蕭然圖籍之外無他

物偶值風浪作詩矢神卽止 宋史文苑傳

李孟傳字文授刻志於學歷楚州司戶參軍單車赴官

公退閉戶讀易郡守都使者不敢待以屬吏徐積墓

在境內蕪沒旣久加葺之修復陳公塘有灌溉之利

宋史本傳

李大性字伯和靖州四會人通判楚州郡守吳曦興都

統制劉超合議欲撤城移他所大性謂楚城實膏義

熙間所築奈何以脆薄易堅厚乎力持不可城得不
移 宋史本傳

趙槩字叔平宋州虞城人知連水軍歲饑勸誘漕民得
米萬石所活不可勝數連水有魚池利入公槩槩始

罷作放生池槩秉心和平與物無競在事如不言然

陰以利物者不少議者比之劉寬舊志查槩本傳

並無此條而舊志與安東志
俱載入不知何據姑存之

王惟熙字國和如皋人景祐元年登第調鹽城尉州嘗

有羣飲獄甲斃疑乙扶之久不決州以屬尉惟熙召

因脫械勞酒如平民詰之曰汝用手向左而死者傷

淮安府志

卷之十九 守令

六

右復何辭因曰仇此人久矣幸其醉扶之官得其情

死不恨鹽城縣志

蕭均知連水軍修舉郡政葺治城壁朝廷嘉之進官一

等淳祐間以捍禦功進右武大夫福建觀察使仍知

連水六年以均久戍邊城忠勞可嘉進二秩安東志

趙仲湖州人嘉定間知楚州修築城池節制屯營車馬

州人便之舊志

黃師雍寶慶初為楚州官屬李全反狀已露師雍密結

忠義圖之謀泄師雍不為動全亦不加害見宋史

元

維楨字周卿遂州人至元間為淮安總管府判官屬

縣鹽城丁溪場有二虎為民害縣禱於神一虎去一

虎死境內早蝗禱而雨蝗亦息是年冬無雪父老言

無雪民多疾奈何維禎曰吾當為爾禱已而雪深三

尺朝廷聞其事方用之而卒海內惜之鹽城志

史欽臨海人延祐間知清河軍處家孝友居官明達在

歲強日久務平其政與民相安卒於官塋漁溝清人

思之碑記功德子孫遂家焉清河縣志

幹羅思高昌縣人延祐間知桃源縣事為政公平吏民

悅服捐俸增廣學宮立膳士田七十頃桃源縣志

淮安府志

卷之十九 守令

七

謝處信字子忠至正間知安東州事修學課農通水利

辨冤抑刊訓辭以警吏民南嶺志

劉整魯人至正間知桃源縣事時邑始創學校未興整

卜地建大成殿及門廡至今猶傳其德政焉桃源縣志

明

范中太祖元年知淮安府先是郡為偽吳將史文炳所

據政苛急民苦之中撫綏克勤寬厚不擾人安其生

公署祠宇皆所經畫南嶺志

姚斌洪武中知淮安府勤謹廉靜一郡稱治舊志

潘傑壽州人洪武間知淮安府剛正明達吏民敬服山陽志

縣志

陳天瑞合肥人吳元年由儒士知鹽城創縣治建學宮

南畿志

孔克勤江西人洪武元年知清河縣修廢舉墜勇於任

事而才足以副之南畿志

東費宣城人吳元年知安東州開置公署分設街巷遷

鄉民以資之南畿志

蔣輔平度州人洪武三十二年以御史改知鹽城縣廉

慎有為撫字有方鹽城縣志

俞順辰南昌人洪武十五年知鹽城縣興學崇儒勸民

淮安府志

卷之十九守令

八

力農舊志

汪仁洪武初知桃源縣教民力田孝弟縣治祠廟壇壝

皆所創建南畿志

陳立本浙江人洪武九年知清河縣居家孝友蒞政公

平舊志

喻有立江西人洪武十五年知清河縣勤政愛民興學

禮士清河縣志

王端汾州人洪武間安東縣丞廉潔自持精明學下於

民不擾舊志

趙思本慶雲人洪武間知安東縣事賦役均平杜絕里

胥之弊勸課農桑優恤貧匱安東縣志

姜迪涿州人洪武末知桃源縣公正廉明民咸愛戴舊志

施禮順天東安人進士仕至參議以事免官復以薦舉

知淮安府惠愛廉正有猷有為賦役均平民生休息

坐事謫戍永樂二年起監察御史山陽縣志

林士敏莆田人領鄉貢入太學永樂間擢知淮安府政

事明達謙恭下士淮人稱之山陽縣志

姬珪博野人永樂間知淮安府政平訟理民甚便之九

年秩滿民赴京乞留再滿如初凡在任二十一年山陽縣志

縣志

淮安府志

卷之十九守令

九

張翔山東蓬萊人永樂間同知府事謙謹和厚忘勢下

賢山陽縣志

倫理壽光人永樂間任淮安府推官持已廉潔決獄平

允山陽縣志

崔奎宛平人洪熙初任山陽縣丞九載考最陞太僕寺

丞舊志

黃珏四川安岳人永樂三年由進士知鹽城縣興學勸

農革弊除奸廉能有為民甚安之鹽城縣志

方文浙江人永樂二年知清河縣勤於撫字九年考滿

百姓不忍捨焉清河縣志

卞盛漢州人永樂間知安東縣爲政有本修舉學校

李信圭太和人洪熙元年知清河縣公正廉能士民敬

服秩滿詣闕乞留擢知州仍攝縣事

南隸志

彭遠南昌人宣德中知淮安府歲饑流民四至遠構舍

勸輸日給二餉全活者巨萬民乏耕牛爲立法貸給

農務以興後被誣陷去職值中使李德奉使過淮民

擁舟大呼乞問天子還我賢太守於是漕運總兵王

瑜及士民連章請之事聞復原官治行爲江北第一

楊理耀州人宣德中由御史爲淮安同知五年知府缺

所屬州縣官民奏其執法抗直豪橫畏戢小民樂業

淮安府志

卷之十九

守令

十

乞陞補其缺從之時淮安役重差煩理上言民間以

供給繁重將屋宅典與富民期三年贖以原本過期

卽立并承買以是貧民趨食在外莫能招撫臣請過

期不贖者許富民再住三年准原本之半贖之經十

餘年者卽給還從之

山陽縣志

程宗金鄉人正統初知淮安府九年秩滿屬民言其端

謹慈明乞留任詔從之

山陽縣志

邱陵蘭陽人正統間知淮安府愷悌廉明不事苛細相

地鑿渠以便稼穡開墾蕪田以課農桑於是撫流移

興學校表節孝崇祀典士民頌之景泰初奏乞省兩

淮巡河巡鹽御史併令巡撫巡按清軍御史兼理庶

不致官多擾民從之又奏臣因覆勘水災遍歷州縣

缺食人戶按月給糧庶不失所倉糧不足請於常盈

倉支給從之以治行卓異賜錦衣寶祿陞右布政

縣志

張端德州人正統間知桃源縣操行廉介處世和平得

上下之心

桃源縣志

楊景仁和人以經濟才勤於政理景泰初由工部主事

擢守淮凡所措置惟務養民政教具舉三年秩滿卓

異六年九年復如之晉參政仍守郡賜詔勅旌異又

淮安府志

卷之十九

守令

士

三年代去老稱攀留獻飲食淹三月乃得行其在郡

日募聚備荒發庫賑饑山東淮西流民入境者爲謀

居食兼營其婚嫁凡困阨頓連獲遂其生者不可勝

計

山陽縣志

田臻襄城人景泰初知府事爲政平恕

舊志

鄭同閬中人天順間知安東縣以憂去民爲立一清坊

以表之

南隸志

趙經山西人天順間知桃源縣守已鯁直莅事公平士

民畏服

舊志

韓邦問字大經會稽人進士成化中淮安知府時民苦

供役乃隨事節省雖中官往來不敢需索泗州官軍
嘗誣奏無辜逮繫死者甚衆屬邦問辦理咸得其情
嘗一日見諸生行於道序稍紊邦問曰長幼之節何
可廢也舉古人進退步趨之道以訓之士風丕變邦
問狀貌魁梧不妄言笑端謹廉明政事修舉尤崇禮
教焉山陽縣志

范添富順人先以御史巡按淮揚成化二十三年知府

事剛方正直吏民畏服山陽縣志

安鉞睢州人成化初同知府事剛方明決才能稱著成

化七年加旌異舊志

淮安府志

卷之十九

守令

主

夏沂貴溪人成化間任同知有廉能聲舊志

林思承莆田人成化間同知府事寬猛得宜吏民敬服

舊志

趙熙雲南人成化間任通判居官清約士夫重之舊志

王奉先慈谿人成化間任通判治行兼優郡人推服舊志

薛準杞縣人任通判平恕剛方馬政修舉舊志

鄧珪江夏人成化間任通判能舉其職舊志

張鵬成化間任通判坦白簡直洩事惟勤舊志

季鎬山西平樂人成化間任推官端嚴誠懇決獄明允

上下稱之山陽縣志

王允新建人成化間任推官謹厚明達獄無冤滯山陽縣志
馮鍊鄱陽人成化間知山陽縣撫按奏保廉能公正撫
字勤勞乞賜誥勅旌異推恩及其父母不次陞用山陽縣志

縣志

勞鉞字廷器九江人進士成化間知山陽縣愛民如子

百姓親之陞太僕寺丞知湖州府沒祀爲神江西通志

張淮襄城人進士成化間知山陽縣清而不阿有十奇

惠民見之歌謠以憂去十奇事惜其不傳山陽縣志

郭進陝西咸寧人成化間知山陽縣剛明果斷不避權

貴減夫役省公費悉心爲民山陽縣志

淮安府志

卷之十九

守令

主

王慎山東新泰人舉人成化十九年知鹽城縣宅心公

平持已清慎粗衣糲食累年不變鄉民耕地得金銀

之十錠俱正色拒絕邑人至今道其清白鹽城縣志

徐昇江西豐城人進士成化二十三年知鹽城縣寬平

樂易大得民心通志

劉金順天人成化年知桃源縣持已無私爲政有本舊志

李上達莆田人成化間知桃源縣課農賑饑民立條祀

之桃源縣志

陳讓光山縣人成化間知安東縣下車發粟賑貧招撫

流亡造譙樓養濟院旌善申明亭寬猛得宜百度具

舉安東縣志

徐鏞字用和興國州人進士宏治初知淮安府值歲大
祲亟修糴賑法巡行郡邑勸課農桑遂大稔民孤獨
無告及不能婚嫁者諭富室助之郡學荒圯修葺恢
廓之奏本府常盈庫歲收糧不過四五萬石乞取回
監收內官雖不允當時是之歷陞河南右布政使擢
副都御史總督漕運淮人大喜鏞先守淮悉知漕弊
以法繩下劾不職察邪惡軍民稍息卒於官崇祀名
宦名臣二祠舊志

才寬字汝栗遷安人進士性曠達不拘小節宏治中知
淮安府志 卷之十九 守令 古

淮安府崑山清峻遇事立斷有盜殺人無主適蛛墮
几上墮下於庭寬曰是其有姓名同符者耶按之得
朱英伏其辜人以爲神素善藻鑑侍郎胡璉在署幼
一見奇之果大顯生平不喜媚俗終始不移以憂去
累陞總制三邊沒於陣謚襄敏

邊憲字汝成進士宏治中陞淮安知府持已嚴肅言笑
不假吏民畏服歷官刑部尚書 山陽縣志

楊遜筠川人進士宏治辛酉守淮愷悌慈祥不務刻削
而事多修舉待士甚厚時加裁抑以勵其進在任五
年一日方視事有代者至卽拂衣戒行士民涕泗遮

道焉 山陽縣志

羅循吉水人進士宏治中知鎮江府值流寇起捍禦有
功調守淮安餘寇尚熾計擒之緩懷撫緝民以大安
凡聽訟捐贖所沒賊贓盡贖軍吏絲毫不染陞山東
副使投劾歸屢薦不起守滄欽約至無以爲家循沒
鄒文莊公題曰有明循吏之墓 鎮江府志

楊敬忻州人舉人宏治中同知府事剛方嚴毅不敢干
以私在任四年清謹如一 舊志

茹欽盧龍人進士宏治中調淮安府同知蒞政嚴明吏
民畏服 舊志

淮安府志 卷之十九 守令 主

余靖南昌人宏治中任通判守法奉公百姓愛戴 舊志

趙富蒲城人宏治間知山陽縣以德化民有清白之譽

山陽縣志

楊璋孝感人宏治間知山陽縣才識通明施爲暇整劑

理煩劇井然有條於學校刑獄尤所用心 山陽縣志

王琮高陽人宏治間知山陽縣有爲有守平易近人 山陽縣志

縣志

霍恩茂山衛人宏治間知山陽縣有惠政以外艱去再

任上蔡流賊破城不屈死 山陽縣志

劉慈山東陽穀人宏治十八年知清河縣政尚廉平實

心勤農歷有成績尤加意學校凡預宮殿廡齋堂皆
徽而新之 清河縣志

郭郭肥鄉人知清河縣持身廉介歷事明決民受其福

清河縣志

馬璉字廷美鈞州人宏治二年知安東縣修學校以養

士居積儲以愛民陞知州有去思碑 安東縣志

郭為霍州人進士知安東縣廉以持已嚴以繩下創議

城在任四年民懷之 安東縣志

謝景星邯鄲人宏治間知安東縣持身清慎撫字有方

志

淮安府志

卷之十九 守令

夫

崔獻山東鄆平舉人知桃源縣莅政嚴猛剛果有為振

興學校士民稱之

魏倫元氏人進士正德間同知府事正直渾厚蒞政平

易無疾言厲色稍悻悻長者 舊志

趙循雄縣舉人正德間同知府事勤政愛民廉慎不苟

請理兵伍尤所用心 舊志

楊浩雲南人正德中任同知敬謹廉愛 舊志

馬驥字世用夏縣人進士為刑科給事忤逆瑾正德間

調淮安推官時方大疫乃清獄放流徙以下數百人

申救死罪三人有揚州人使僕還金飾器於其姻家

道失去匪淮人所為備一日遇故主詰問僕妄謂淮

人迷以藥攘其金物欲成罪至死駭曰揚淮咫尺既

取其金復備其人殆不近情因取成案所具藥俾獄

盜服之殊不驗誣始白又鹽城士人張忠受誣逮力

為白之表何烈女徐節婦撰雙烈記以勵風化流賊

將至境駭規畫嚴密賊知淮口不可渡遁去其他善

政甚多瑾敗宜大用僅陞松江同知至鄖陽知府蓋

不肯稍貶以求遷也 山陽縣志

華璉餘姚人正德間知府存心坦白莅事平易 舊志

劉詳安福人進士正德間知淮安府遇事敢為羣吏奉

淮安府志

卷之十九 守令

七

法七年流賊擾淮北詳出兵合軍民數千人禦之淮

賴以安 舊志

馬圖彰德人進士正德間任淮安推官讞獄詳慎謹厚

不伐以公勤見稱 舊志

邢照三河人正德間以御史謫山陽縣丞陞知本縣事

吏畏民懷復為御史 舊志

常在臨川人知山陽縣治事敏決以才幹稱 舊志

樂護榆社人知山陽縣持已廉威蒞政敏明 舊志

石恩春城人正德間任山陽縣主簿持已勤慎馬政克

修 舊志

劉絃思縣人正德四年知鹽城縣廉正有爲恤民省費

鹽城縣志

歐陽周密縣人宋文忠公裔舉人正德間知安東縣持

已廉正境內旱蝗默禱大雨蝗滅轉歉爲豐

安東縣志

劉金順天人正德中以主事謫桃源縣丞持已無私爲

政有本陞本縣知縣

桃源縣志

姜素高唐人正德間知桃源縣廉以持已仁以愛人秦

請海鹽協濟夫役民賴之

舊志

路迎汶上人進士嘉靖間知淮安府先是郡久闕守奸

胥縱肆迎下車捕治境內肅清有債帥與諸生訟迎

淮安府志

卷之十九 守令

大

矢天平決坐帥賊如律又戶部督捕租甚急將按劾

迎或諷往謝弗聽曰淮民困極矣吾有去耳何謝爲

山陽縣志

葛木上虞人進士嘉靖間知淮安府性明敏遇事立斷

吏不能爲奸時唐龍撫漕政無巨細悉採木議郡有

大疑大獄皆藉決焉軫民疾苦以身任之尤重學校

毀淫祠爲書院以訓士子文教蔚興

山陽縣志

王鳳靈字應時莆田人進士嘉靖間知淮安府爲政務

大體從容安重庶務理乃更勅郡縣學先是葛公

木闕龍溪書院鳳靈因而宏之又引淮水入泮池廣

徵屬邑士肄業其中校其文藝刻同文錄一時顯士

多出門下惟罹水患鳳靈首疏五事以備疏洩又上

秋災夏蝗等四疏及請蠲秋糧停馬價賑饑民戢巨

盜陞任去淮人士卽書院祀之稱曰筆峯先生

山陽縣志

孫繼魯雲南右衛人進士嘉靖間知淮安府操行廉潔

聖山勸農興學織造中官押貢道淮大作威福繼魯

抗阻之遂誣以闕供逮詔獄囊無寸儲鄉士夫醵金

濟之百姓哭泣呼號賴執政夏言力救得解累官山

西巡撫謚清愍

山陽縣志

張守約華容人進士嘉靖間知淮安府真率儉素一介

淮安府志

卷之十九 守令

尤

不取茹蔬衣布而制俸以食髻士濟儒貧無所靳惜

以疾沒於郡遠邇傷之

山陽縣志

張敦仁鹿水人進士嘉靖間知淮安府一郡稱治疏言

淮徐連遭水患請將漕糧折銀蠲免及鳳壽諸倉錢

糧帶徵者皆緩之又各衛所官軍俸糧歲伍萬七千

有餘請留鈔關銀或運司銀給之

舊志

蔡揚金衛輝人進士嘉靖間知淮安府

按陳五岳志以爲循吏宜記名

政績未考

范永官湖廣桂陽人嘉靖間任淮安通判問民疾苦曰

苦河浸永官日時流濁吾防之以清又曰備倭費煩

元日吾無擾寢自息署山陽縣事歲載坐庫里長

元日以千金自奉淡如也賦不及額以調去

山陽縣志

李幼滋應城人進士嘉靖末知淮安府才猷卓犖政體

肅清勸農興學百廢具舉時值災傷力奏蠲稅百姓

賴之

山陽縣志

趙慎修膠州人進士嘉靖四十四年知鹽城縣公廉慈

愛政清刑簡民安其業後行取以進賦稽留上官督

責甚急慎修終不忍以催科加鞭扑民益感之累官

雁門兵備副使

鹽城縣志

陸琳平湖人嘉靖二年知清河縣事正大寬平愛養百

淮安府志

卷之十九

守令

辛

姓歲大祲多方賑濟之行取去任清民攀轅呼號百

里不絕

清河縣志

石存仁德州人嘉靖七年知清河縣承陸琳寬仁之後

略濟以威廉幹精明百度修舉民畏而愛之

陳文燭字玉叔沔陽州人進士隆慶初守淮安政崇寬

簡培植學校敬養老更有文翁化俗之風淮地衝劇

徭役苦煩應差人丁皆屬里胥僉報殷實之家立至

懸磬文燭悉其弊行條鞭法清審貧富分三等九則

徵銀遇有差徭或招人充管給與工食或臨時僱募

公私兩便後著爲令又重修府志士民立祠西門外

山陽縣志

王用汲晉江人進士隆慶間任淮安推官作興士類嘆

咻細民而剛直自持豪強斂迹凡官評獄訊平允不

爽有欲干以私者噤不敢發

山陽縣志

張維誠示清籍進士隆慶五年知清河縣有風裁長於

吏治聞如意菴爲崇正書院以課諸生教養倍至

陳敦質泉州人隆慶間知安東縣談經較藝與暑不倦

當時稱爲文吏

舊志

范惟恭豐城人隆慶間知安東縣創修城墻今資保障

舊志

淮安府志

卷之十九

守令

辛

邵元哲桂陽人進士萬歷初知淮安府時久旱災傷民

困至極元哲有爲有守輕徭薄賦民得漸蘇城東有

澗河通射陽湖宣洩三城潦水兼便鹽城糧運及民

間魚鹽米薪卽學校泮池秀水皆以此爲尾閥乃郡

城命脉也黃水溢後河道皆淤元哲力請於上疏之

工不煩而利舉又增築城西堤堵黃河決口建閘以

通漕艘民立保於龍興寺東禪堂內

山陽縣志

朱伯華字汝合益都人進士萬歷間知淮安府時方治

河大起徒衆伯華悉心修築常達旦不寢爲政務持

大體撫循凋弊與之休息宰執于慎行稱其醇謹類

石慶治行類劉寬云 山陽縣志

張允濟固安人進士萬歷間知淮安府政尚節愛寬狂得宜歲設請謁請賑竭力爲之簿書旁午手削百牘不假吏書備災荒修學校禁高訪聽斷持公清如止

水山陽縣志

于汴字真子安邑人進士萬歷間淮安推官學術醇正視民如子決獄明恕平反實多六年間五攝郡篆布衣蔬食帶星出入以爲常疏濶河以通魚米荏葦之利地方惡習匿名陳詞借人命搶掠及偽造假銀婚喪過侈皆嚴禁之清理刑獄獄常空海上有使患

淮安府志

卷之十九 守令

三

嚴修守備添設敵臺建志道書院修安定節孝及陸丞相祠朔望詣其中訓課士子講性命實踐之學又以六諭訓民建應揚會於韓侯祠以講武立社師以殉難童表揚節烈陞重鄉飲酒禮教化大行著有暑淮典革錄擢吏科給事中百姓泣留不得肯像於節孝祠歷官南左都御史 山陽縣志

曹大咸江陵人進士萬歷間任山陽縣擢禮科給事中

贈光祿寺卿

按曹公令山陽善政不傳今名宦祠有其位而府志不載其事又置城名宦志

解其廉慎自矢貪吏畏法則曹公之莅山陽其善政可以類推矣

張國璽任邱人進士萬歷間知淮安府精於爲政才學

優長課士衡文彬蔚起有祠祀之 山陽縣志

劉大文博平人進士萬歷間知淮安府下車卽與神盟誓後水旱相仍改置壇場略無畏避奸民妄奏江淮諸稅中使耽耽大文力陳不可邀恩獲免備倭營壘龍司河清屯地皇木之役百姓愁嘆爲計道里之風雨不輟擇塾師置各坊鎮時課試之婚喪過時者有罪不給者助之風俗頓變陞淮徐道百姓大喜以爲猶依其庇也 廣輿志

張經世涇南人進士萬歷間知淮安府諮達明敏剖決

淮安府志

卷之十九 守令

三

如流吏不得行其私山納平允左右無所乾沒尤禮重士大夫監稅鳴張告許械繫家立破經世遣人於路截回負鳴者莫敢誰何聞父卒卽日奔喪行李蕭然府藏案牘清如澄水 山陽縣志

元詩教萊蕪人進士萬歷間授淮安府推官治事精明

目視手答摘發若神吏抱案辟易不敢仰視剖斷刁

獄數言而折獄無沉滯 山陽縣志

何際可衛輝人進士萬歷間知山陽縣寬仁大度不事

苛細推誠待人禮賢下士值水患頻仍盜賊竊發乃

緩催科停敲扑惟事撫循民感其德吏畏其明 山陽縣志